

**SKOA ta informa
 tocante areglo di
 pago pa contribucion
 di “schoolgeld y
 aircogeld”**

**Alberto
 Groeneveld ta
 den libertad**



**PATRICK KIER
 SCONDE SU 1.2
 MIYON, TRAS DI
 PIZZA PA TEAM
 JUNIOR LEAGUE
 CU A TITULA
 CAMPEON NA
 MEXICO**



**Minister Rocco Tjon:
 INSTALACIONNAN PA MAS
 ILUMINACION DEN BARIO DI SAN
 NICOLAS A INICIA COMO PARTI DI
 E PROYECTO DI VEILIGE BARIOS**



**Mayan sentencia ta cay pa
 grupo cu a purba asalta
 oficina di number den Playa**



PRUEBA DI SOLO DI PUEBLO TA PALPABEL Y AUTENTICO: PATRICK A COBRA 10 MIL DOLLAR PA LUNA

Despues cu Solo di Pueblo a publica e prueba unda Patrick Paskel a cobra 10 mil dollar pa luna, algun fanatico di e partido berde a purba crea duda, bisando cu nan kier mas prueba.

Realmente nos por constata cu e ex coordinadornan di AVP ta biba den fantasia. Ta hopi cla cu nan no por y no kier accepta e berdad.

Solo di Pueblo a publica un prueba palpabel: un e-mail cu a lek. E e-mail ta conta tur cos. Patrick Paskel nunca por a pensa cu nos por a haya un prueba. El'a kere cu e lo cobra 10 mil dollar, sin laga prueba atras, pasobra el'a cobre di Canada. Wel e tabata bon equiboca y mester bisa cu Patrick mes a keda den shock.

Te ainda un dia prome e tabata reta pa saca prueba. E prueba tey! El'a cobra!

Esaki ta splica dicon e ta ataka Minister Endy Croes asina baho y vil. Pasobra cu cambio di contract, e ta perde su entrada lucrativo.

Continuamente e ta jama otronan pa ladron, pero ora un ciudadano a puntre: "kico nan a horta"? Patrick no por a contesta. Pasobra no tin ningun sorto di ladronia cu a tuma lugar den Lotto den tempo di MEP. Ningun! Y confirma pa 15 huez.

Cu restaurant di Edmond Croes a bende

algun pizza pa 60 hende, cu a celebra campeon di junior league na Mexico na 2009, (hungadornan y nan famia) no ta ladronia. Ta servicio duna corectamente!

Den caso di Patrick Paskel, te awe ningun hende sa ki trabao el'a hasi pa lotto pa merece 18 mil pa luna. Un abusador! Un ladron fini.

Peor ainda, el'a ganja cu e no a cobra! Pa djey ora nos a saca e prueba, e guli su scupi.

Y pa esnan cu ainda ta duda: Mester realisa cu Patrick no kier/por bay abogado pa Solo di Pueblo. Pasobra e sa cu el'a cobra na Canada.

SETAR ta logra e status di Gold Partner di e compania MITEL

Recientemente SETAR a ricibi e grato noticia di a bira un Gold Partner di e compania MITEL. MITEL ta e lider mundial den e mercado di comunicacion corporativo cu ta brinda servicio y producto den area di conexion y

colaboracion.

Pa yega na e status di Gold Partner, SETAR mester a completa varios proyecto exitoso y tambe logra tur certificacion necesario riba e diferente plataformanan di MITEL.

Otro rekisitonan cu SETAR mester a cumpli cune ta certificacion den producto, certificacion di nos tecnonan y cierto nivel di benta di MITEL su producto y servicio.

SETAR ta hopi orguyoso di e reconocimiento aki. Esaki ta enfatisa un biaha mas e experiencia y profesionalismo den e area di telecomunicacion cu SETAR ta ofrece. E reconocimiento aki tambe

ta ilustra con innovativo SETAR ta como compania, ofreciendo solucionnan manera Hosted PBX, Unified Communications, MiCollab y solucion di Contact Center.



STG. Thuiszorg Aruba TA BUSKA ENFERMERA/O & LABADO DI PANJA

Minimo EPB diploma

Carchi DVG valido (dispuesto pa busca)

Vacuna Covid-19

Local / permiso valido

BALENTE & Disponibel inmediato

Paradera 300 / Tlf. 5887400

Ata e nombenan “secreto” di e gang cu a manda Lotto bancarota na 2011

Pa algun dia caba tin algun prensa ta specula cu noticia falso. Nan ta purba na tur forma di tira culpa riba otro riba e hecho cu Lotto ta den bancarota.

E carta aki di Gobierno di Aruba ta musta e Gang cu realmente ta responsabel y culpabel pa e bancarota financiero den 2011 na Fundacion Lotto pa Deporte. E Amigonan aki di e mentiroso Patrick Paskel tawata na mando na Lotto for di dia 16 november 2009. Den apenas 2 aña nan a gasta tur placa di Lotto pa cual mayoria a bay den persecucion. Es decir cu pa dos aña largo nan a draai gastando placa cash cu a keda atras den varios banco local, cual tabata reserva di Lotto.

Na juli 2011 Lotto a sink y mester a fia Afl. 20 miyon na un banco local, pa cual CBN a para garantia. Tur banco na Aruba a stop di fia Lotto placa, ora nan a constata mal maneho, ningun vision y ansha pa persecucion. E Gobierno na turno no kier a

para garantia pa e fianza aki. CBN tampoco kier a hinca placa den Lotto. No tawata tin confiansa at all den e Gang aki.

Tin un raport di accountant independiente di Korsou cu ta musta cu na juli 2011 a mata Lotto finansieramente. Kende tawata den directiva di Lotto? Ta e famoso nombenan den e carta aki.

Mesun momento Lotto pa Deporte mester a trapasa e loteria pa un prijs hopi halto pa Canada. No lubida tambe cu tur ganashi di Canadian Bank Note Aruba NV ta wordo manda pa Canada. Mientras Canada tabata haya ganashi, deporte tabata sangra.

Adema pais Aruba ta perde divisas. Ta placa cu por a keda Aruba pa usa den deporte.

For di Canada Patrick y su Gang tabata cobra 10 mil dollar pa luna.

REGERING VAN ARUBA

Aan de Fundacion Lotto pa Deporte
T.a.v. de heer J. "Endy" Croes, Algemeen Directeur
Avenida Milio Croes 34
Alhier

Aruba, 16 november 2009


Geachte heer Croes,

Middels deze hebben wij het genoegen U te Informeren van onze beslissing om een nieuw Bestuur in te stellen voor de "Fundacion Lotto' pa Deporte". Met onmiddellijke ingang zullen de navolgende personen het Bestuur van de stichting vormen:

- | | |
|----------------------------|---------------|
| 1. Ramiro REO Thonissen | Voorzitter |
| 2. Bervida de Sousa | Secretaris |
| 3. Arnold Emilio Le Grand | Peningmeester |
| 4. Silvio Milanio Janga | Bestuurslid |
| 5. Flavio Fernando Faneyte | Bestuurslid |

Gelieve goede nota te nemen van deze beslissing en het bestuur alle medewerking te verlenen bij de uitoefening van hun taken.


Irig. Mike de Meza
Minister van Financiën, Utiliteiten
Communicatie en Energie


dr. Richard Visser D.C., Ph.D.
Minister van Volksgezondheid
en Sport

Alberto Groeneveld ta den libertad

E conocido Alberto Groeneveld a publica riba su pagina cu e ta den libertad. Manera Solo di Pueblo a informa, e no ta culpabel, sino victima. E mensahe aki ela publica diaranson atardi: DIOS ta un Dios Justo!!!

Un isla asina chikito, pero cu Hopi hende kla pa lastra y dañá bo nomber y imagen sin buska e berdad of pa warda investigashon keda kla. Algo cu ta di LAMENTA. Pero mi hendenan cu conocemi di berdad y sa ki curason mi tin y ki tipo di persona mi ta, sa cumi ta INOCENTE.

Awe cumi cara na laira mi ta sali eyfo, y sigi biba mi Bida y duna lo mehor dimi, cu semper mi a hasi y keda hasi.



Danki na mi famia, mi true ride and die friendsnan cu a keda Kere y para fuerte mi tras. Dios bendishona bosonan

tur y manera semper I will ALWAYS AND CONTINUE TO SHARE HAPPINESS ...



ULTIMO DIA DI PAGO

Spaar tempo, paga online

E cobranza di coriente di januari 2023 lo vence:

Diamars 14 di maart 2023

N.V. ELMAR ta recorda tur cliente pa tene nan cuenta di coriente na ordo.

Pa mas informacion yama 523-7100 of email customerservice@elmar.aw



Solo di Pueblo a rementa deal secreto di Patrick di 10 mil dollar

SOLO a haya masha hopi reaccion pa e hecho cu nos a rementa for di otro e secreto di Patrick Paskel.

Pa hopi aña, Patrick ta sinti'e duro, unda cu boca grandi e ta lastra tur hende.

E ta yena su boca cu palabranan di "ladron", unda e ta yama su opositornan pa ladron, sin ningun prueba. Ora bo yama un hende pa

ladron, bo mester proba ta kico la horta.

Den e caso aki, SOLO a publica un propio e mail di Patrick, unda e mes ta confirma di a cobra 10 mil dollar pa luna.

Patrick alias Pichicho, a kere cu su cobransa lo keda eternamente secreto, si e deal via Canada. Dios no ta drumi. El'a percura pa pa laga cosnan sosode pa asina por descubri e

abuso aki.

Desde Maart 2012 el'a cuminsa cobra, y a totalisa den 5 aña un suma di 1.2 miyon y esaki ta igual na 10 mil dollar pa luna.

SOLO DI PUEBLO ta keda firme para banda di deportistanan! Ta basta cu e sinberguenzanan y desgraciadonan aki.

Nan secreto a keda rementa na filigrana!



Mayan sentencia ta cay pa grupo cu a purba asalta oficina di number den Playa

Mayan mainta e 5 sospechosonan di a planea un asalto riba Lucky Numbers den Playa lo scucha nan sentencia.

SOLO DI PUEBLO luna pasa a mostra cu Fiscal a baha pisa riba e grupo caminda a existi entre 2 aña y 9 luna di prison y 4 aña di prison pa e grupo.

Luna pasa tratamento di e caso a tuma lugar caminda Fiscal a mostra cu e hombernan C.G.H.(52) di Aruba, M.H.(38) di Aruba, J.I.(57) di Curacao, J.T.(27) di Curacao y G.M.(42) di Curacao biba na Aruba a planea pa haci un asalto arma riba Lucky Numbers na Playa. Tambe ta acusa nan di posesion di arma di candela. Tambe Fiscal a acusa e homber G.M. di a purba horta placa for di cahero di casino. E atraco aki tabata planea pa sosode net e periodo cu tabatin e premio di 2 miyon florin di Lotto pa Deporte.

DOS CURASOLEÑO A BIN PA HACI ASALTO

Hues a bisa cu J.T. y J.I. a

wordo acerca na Curacao pa bin haci algo na Aruba. For declaracionnan por a compronde cu ta un persona sera den prison na Curacao a acerca nan pa bay Aruba. E persona aki lo ta forma parti di un grupo hopi poderoso. Ta asina cu M.H. a bay muestra nan e lugar unda e atraco mester sosode. E plan tabata cu J.T. y J.I. lo bay haci e atraco y core bay cu un scooter. Nan lo mester bay na veld di Cricket caminda M.H. ta warda nan pa hiba nan den auto y laga e scooter atras.

ASALTO DIRIPIENTE A PARA

Pa un of otro motibo e atraco no a sigui. Hues a mostra cu a scucha C.G.H. tabata papia den auto cu mester busca un coy tira. El a bisa cu mester un mas. El a bisa cu e homber a bende e cos pa 3200 florin. E ta caro pero mester di dje. C.G.H. lo a bisa cu for di e placa cu haya di e atraco, ta kita tur e gastonan cu el a haci y despues ta parti e placa. E palabracion ta cu e dos

di Curacao lo haya mitar di e placa y e otro mitar lo parti den tres. Polis a scucha cu J.I. ta bisa cu lo tin un Van blanco para den e parkinglot dilanti e oficina di number y esaki ta sospechoso. Despues a mira un bus preto ta blo pasa ey banda. C.G.H., cu tabata para den e parkinglot banda di Corte, a bay check. Na dado momento J.T., cu tabata sinta riba un banki, a lanta bay. E atraco no a sigui. C.G.H. a bisa cu dilanti su cas lo tin un dama cu tin 30 mil dollar na un pomp di gasoline y cu lo bay pa haci e atraco ey. E atraco ey tampoco a keda realisa.

VARIOS ACUSADO TA CONOCI PA POLIS

Hues a mostra cu varios di e acusadonan tin carchi di castigo. El a mostra cu M.H. na 2018 a wordo condena na 4 aña di prison pa atraco y na 2020 a wordo condena pa arma. C.G.H. na 2015 a wordo condena na 9 aña di prison pa atraco y na 2020 condena pa arma. J.T. na Curacao a wordo condena pa arma



di candela na 2021 y a awor ta sera den su tempo di prueba. G.M. tin carchi castigo cu varios condena pa ladronia y tambe caso di agresividad. Na 2015 el a wordo condena na 4 aña y 6 luna di prison pa atraco.

FISCAL A BAHÁ PISA.

Fiscal a señala cu varios di nan tin condena caba pa atraco y tambe posesion di arma. E auto di G.M. lo mester keda confisca mescos pa M.H. Na opinion di Fiscal, ambos auto a wordo usa pa e preparacion. E auto di

C.G.H. ta wordo menciona pero no tin prueba cu a wordo usa. Pesey e auto ta wordo debilbe.

Fiscal ta haya cu mester manda señal bon cla cu no ta tolera atraco. El a existi pa J.I. 2 aña y 9 luna di prison. Pa J.T., G.M. y M.H., el a existi 3 aña y 4 luna di prison. Fiscal ta considera C.G.H. e cabezante tras di e plan y a existi 4 aña di prison.

Mayan mainta sentencia ta cay y lo informa comunidad kico ta e decision di Hues.

Patrick kier sconde su 1.2 miyon, tras di 2 mil florin na Pizza pa team junior league cu a titula campeon na Mexico



Mundo ta riba su cabes. E siman aki Patrick Paskel, e abusador di placa di pueblo, kier sconde su cobranza di 10 mil dollar pa luna, tras di 1 recibo di 2 mil florin.

Pizza tabata dia 20 juli 2009 pa team campeon na Mexico:

Dia 20 di juli, Aruha su team di junior league a titula campeon na Mexico. Ora nan a yega Aruba, Minister Ramon Lee a tene un celebracion pa tur e muchanan y nan mayornan. Tambe algun polis y tambe entrenadornan. Tabata un grupo di 60 hende den totalidad y nan tur a come un dushi pizza.

E recibo a sali 2 mil y pico y esey Ernst & Young a pone den rapport.

E ta algo malo? Absolutamente cu no.

Pero Patrick kier lastra Edmond Croes inflando e suma, ganjando cu ta 5 mil dollar y ganjando cu ta algo robes.

Dicon? Pa e sconde su 10 mil dollar pa luna for di Canada cu el'a cobra, skirbi den su propio e mail cu a lek.

Un tercio sinberguenza! Deporte a sufri pero Patrick a baha Jackpot tur fin di luna.

Uit de financiële administratie van FLPD is gebleken dat op 22 juli 2009 een cheque voor een bedrag van Afl. 2493,- is uitgeschreven op naam van Papa John's Pizza. De cheque is getekend door de Algemeen Directeur van FLPD, de heer Jan Hendrik Croes en de Financieel Directeur van FLPD, de heer Juan Enrique Croes. De cheque die ten name van Papa John's Pizza is uitgeschreven is in de financiële administratie van FLPD verantwoord onder de post "Donatie Sport". De facturen van Papa John's Pizza zijn voor akkoord getekend door de heer Jan Hendrik Croes en een voormalig bestuurslid van FLPD. De facturen zijn gedateerd 20 juli 2009 en 21 juli 2009 (zie bijlage 43).

37

Confidential - All rights reserved - Ernst & Young 2010

DEFINITIEF

----- Forwarded Message -----

From: Patrick Paskel <patrick@teragrouppnv.com>

To:

Cc: Angelique de Cuba <Angelique@teragrouppnv.com>

Sent: Monday, November 12, 2018 at 05:28:26 PM GMT-4

Subject: Tera Group - CBNA Relation

Dear Mr. ,

With this email we want to inform you that we had a formal working agreement between Tera Group Aruba and with Canadian Bank Note Aruba, with Mr. Gordon Mckechnie since March 22nd, 2012 till December 31st, 2017. On December 22nd, 2017 we received an email from Mr. Ronald vd berg, cancelling our contract since January 1st, 2018 due to change in their strategic plan. We had a very positive and fruitful relation between TG and CBNA, where they spent a total of Afl. 1.117.705,25 with our company during the period of the business relationship.

Hope this information is useful for you.

Regards,

Patrick R. Paskel



Prome Minister Evelyn Wever - Croes: ‘SI NOS NO TA NA MESA COMO HENDE MUHE, NOS NO POR KEHA SI HENDE HOMBER NO TENE NOS NA CUENTA’



Centro di Desaroyo di Hende Muhe (CEDEHM) a organisa un encuentro bunita na MFA Paradera den cual a trata e tema di Dia Internacional di Hende Muhe e aña aki “Embrace Equity”. Durante e encuentro nan a presenta diferente aspecto importante di con pa duna un persona den su situacion personal locual cu e tin mester pa e tin participacion igual den comunidad.

Riba Dia Internacional di Hende Muhe ta reflexiona riba tur locual cu hende muhe a logra, pero ta para keto tambe y realiza cu tin caiminda pa bay ainda.

Durante e conferencia di Nacionnan Uni cu Prome Minister a atende e siman aki na New York, a para keto na diferente crisis cu ta afectando paisnan rond mundo. E crisisnan aki ta afecta particularmente hende muhe, mas cu hende homber, pues esaki ta muestra cu tin mas trabou pa haci rond mundo y aki na Aruba tambe, Prome Minister a enfatisa

“Mi ta convenci y determina hunto cu e potencial di hende muhe cu tin na Aruba, pa sigui traha pa crea oportunidadnan pa nos mucha muhenan awe, cu majan nan por yega na e



posicionnan cu nos kier pa nan yega.”

Prome Minister Wever - Croes ta enfatisa riba e importancia pa crea oportunidad pa hende muhe den futuro: “Si nos ta na mesa como hende muhe, nos no por keha si hende homber no tene nos na cuenta. Si no tin mas hende muhe cu ta bay den politica, bo no ta bay haya mas hende muhe den gobierno. Eorey no por keha cu hende homber ta tuma decision sin tene cuenta cu nos.”

Concluyendo, Prome Minister ta duna pabien na CEDEHM y gradicinan cu e bunita encuentro cu nan a organisa na MFA Paradera. Y felicita nan tambe cu e tremendo trabou cu como organisacion nan ta haci henter aña pa empodera hende muhe na Aruba. Ademas ta haci apelacion na henter comunidad, sector publico y sector priva, pa traha hunto pa stimula nos mucha muhenan pa nan desaroya nan mes pa ocupa e posicionnan relevante aki tambe den futuro.



Minister Geoffrey Wever: Kid\$preneurs a conclui na Scol Dornasol di Sabana Basora



E biaha aki Kid\$preneurs a continua na Tra'i Merdia di Scol Dornasol na Sabana Basora. Aunke e biaha aki a conta cu un grupo mas chikito, e tarea di educa y inspira nos hobennan ta keda mesun importante.

“Mi ta contento di por a mira algun mucha cu hopi gusto, vision, y te asta algun conocimiento di e elementonan pa maneha un empresa”, segun minister di Asunto Economico, mr Geoffrey Wever.

E futuro briyante di Aruba ta den man di nos hobennan, y nos mester sigui cu esfuerso pa sostene nan den nan soñonan, y inspira nan pa ta e miho persona nan por ta, eliminando cualkier barera na nan creatividad!

Sea den nan futuro nan lo escohe pa bira empresario of no, ta spera cu e curso di Kid\$preneurs por yuda inspira algun mente hoben pa nan haci cualkier tarea cu nan lo kier eherce.

“Nan por conta cu nos sosten”, minister Wever ta enfatisa.

Danki un bes mas na Departamento di Asunto Economico y nan unidad di IDEA pa nan determinacion.

Proximamente lo continua cu e proyecto di Kid\$preneurs na Scol di Kudawecha.

17 MAART 2023

**Celebracion
Himno y Bandera!**

**JOIN NOS PA HISA E BANDERA
MAS GRANDI DI ARUBA!**

11pm - 1am
@Cede di MEP!

musica | cuminda | bar

Bin celebra cu nos!

mep

Minister Geoffrey Wever: Bold Properties a inaugura nan oficina nobo riba International Women's Day

Aruba a celebra International Women's Day den gran forma, reconociendo e esfuerso y contribucion di empresarionan hende muhe.

Minister di Asuntonan Economico, Comunicacion y Desaroyo Sostenibel, Sr. Geoffrey Wever, a atende e "ribbon-cutting ceremony" pa e apertura oficial di Bold Properties Aruba, un empresa cu ta pertenece completamente na partnernan hende muhe.

Esaki ta significante pa Aruba, ya cu ta promove igualdad di genero y empoderamento di hende muhe den mundo di negoshi. Bold Properties Aruba ta creando inspiracion pa otro hende muhe cu ta desea di logra exito empresarial.

Bold Properties Aruba ta un ehempel excepcional di hende muhe cu ta tuma carga di nan carera y ta inverti den nan mes. E determinacion y curashi di e propietarionan di e empresa ta un bon prome paso pa duna bon resultado. E apertura di Bold Properties Aruba tambe ta demostra cu muhe por prospera den campo di trabou cu ta convencionalmente domina pa hende homber, loke por ser considera un triunfo pa igualdad di genero.


"Aruba ta un pais cu ta balora y promove derecho di hende muhe y igualdad di genero", segun minister Wever.

Esaki ta demostra cu hende muhe por logra loke nan ta desea, y ser empresario ta un ehempel di esaki. Riba Dia Internacional di Hende Muhe, Aruba ta festeha e exitonan actual di nos empresarionan muhe, y ta anhela pa mas ser inspira pa sigui den e pasonan manera di Bold Properties Aruba.

Minister Wever ta desea Bold Properties Aruba tur clase di exito, y ta desea un bes mas tur hende muhe di Aruba, un felis dia di hende muhe!



MINISTER ENDY CROES TA FELICITA COLEGIO ARUBANO CU UN EXITOSO OPENDAG



: Diasabra ultimo, Minister Endy Croes a bishita e opendag di Colegio Arubano. E scol a habri porta pa tur estudiante di klas seis di scol basico, alumnonan cu

ta den CB1 of CB2 di MAVO cu tin suficiente punto pa bay HAVO y tur alumno di examenklas di MAVO cu kier sigui nan estudio na Colegio Arubano. Un mainta informativo y

educativo unda cu tabatin hopi interes di e estudiante acompaña pa mayornan cu ta preparando pa e aña escolar nobo. Banda di e materianan a musta diferente actividad

escolar. Tambe tabatin diferente presentacion y demostracion di proyecto manera e.o. Erasmus Plus. E estudiante- y mayornan tabatin oportunidad pa haci pregunta. Por ultimo,

Minister Endy Croes ta gradici Sra. Jennifer Arends - Reyes y Sr. Tim Croes pa e tremendo recepcion. Danki na tur alumno y docenten cu a organisa e opendag.

Presidente Thomas Bachlo yega Aruba diabierna awor 10 di Maart

E siman aki, e comunidad deportivo di Aruba ta ancioso pa ricibi e mandatario mas halto di deporte na Mundo, esta sr. Thomas Bach presidente di Comité Olimpico Internacional. Hunto cu sr. Bach lo bini tambe un delegacion di ehecutivonan di Panam Sports y Olympic Solidarity.

Pero ken realmente ta sr. Thomas Bach?

Thomas Bachta naci 29 December 1953 na Alemania y ta di profesion abogado como tambe un ex-miembro di e ekipo Olimpico di esgrima y medayista di Oro Olimpico den e Weganan Olimpico di Montreal.

Thomas Bachta den su 9 anja como presidente di Comité Olimpico Internacional (International Olympic Committee) esaki desde 10 di september di anja 2013. Bach tabata tambe un miembro di comite di ehecutivo di e Confederacion Olimpico Aleman. Bach ta tambe e prome campeon Olimpico cu a keda eligi como presidente di Comité Olimpico Internacional.

Thomas Bach a keda eligi pa un termino di 8 anja como IOC President na e 125th IOC Session na Buenos Aires, Argentina na september 10 di anja 2013. Cu 49 voto den e ronda final, e la sigura e votonan mayoritario y a keda eligi. Bach a reemplasa Jacques Rogge cu a sirbi como presidente di IOC for di 2001 to 2013. Bach a wordo re-eligi pa su di dos termino como presidente na e 134th IOC Session esaki na 2019 y lo keda te cu 2025. Durante su presidencia te cu awor, Thomas Bachta wordo reconoci cu diferente honor pa su excelente trabou desplega den deporte esaki rond mundo, por ehempel na Polonia, Grecia, Tunesia, Spanja, Corea del Sur y Hapon.

Actualmente Thomas Bach hunto cu un delegacion di miembronan di e comite di ehecutivonan di Panam Sports y Olympic Solidarity ta den un gira den Centroamerica y Caribe unda nan ta bishitando varios pais, incluyendo Aruba e weekend benidero. Presidente Bach ta bishitando e paisnan/islanan den Caribe caminda tin miembronan di Comité Olimpico Internacional. E ta bishita nan y e NOCs di e paisnan.



Minister Rocco Tjon:

INSTALACIONNAN PA MAS ILUMINACION DEN BARIO DI SAN NICOLAS A INICIA COMO PARTI DI E PROYECTO DI VEILIGE BARIOS



Manera ta conoci, na januari Minister di Husticia y Asuntonan Social Sr. Rocco Tjon a reuni cu ambos DTI y Elmar, pa asina e proceso pa cambia e luznan di 28W pa 60W pa mas iluminacion den e bario di San Nicolas por cuminsa. Esaki ta parti di e proyecto multi-ministerial “Veilige Barios”, caminda hunto cu CEDE Aruba, ta bay percura pa eleva e siguridad den barionan pa henter comunidad, a traves di diferente programanan pa cu e centronan di bario, pero tambe a traves di miho iluminacion y camaranan di siguridad.

For di aña pasa a haya aprobacion di e presupuesto pa asina percurapabincun 113 punto di iluminacion adicional. Bisando esaki, e siman aki Elmar a cuminsa cu e proyecto aki, den e bario miho conoci como The Village. E importancia di cayanan bon ilumina

no por ser subestima. E ta importante pa tin iluminacion adecuado, no solamente pa yuda combati criminalidad, pero tambe pa yuda peaton y conductor pa ta mas sigur riba nos careteranan. Cu e aumento di wattage, residentenan di San Nicolas por spera un miho nivel di iluminacion den nan bario.

Di parti di Ministerio di Husticia y Asuntonan Social, por bisa cu e proyecto aki tin un prioridad halto, mirando cu pronto, nos lo wak barionan cu mucho mas luz, pa asina mitiga e riesgo di criminalidad of cualkier desgracia di trafico pa motibo di falta di lusamento. Di e manera aki nos ta un paso mas cerca den brinda siguridad na nos hobennan y comunidad henter, pero tambe brinda un miho calidad di bida na nos hobennan den e cuadro social.



Partido MEP: Relaciona cu Dia Internacional di Hende Muhe, **FORSA FEMENINO GRACE TAWATA TIN UN ENCUENTRO EXITOSO**



Forsa Femenino Grace na ocasion di Dia Internacional di Hende Muhe, diaranson anochi a organisa un encuentro exitoso pa hende muhe na Cede di MEP. E evento a cuminsa cu musica di entretenimento presenta pa un DJ mientras participantenan tawata yegando. Despues Presidente di Forsa Femenino Grace, Señora Fabiola Maduro a hiba palabra dunando bon bini na tur presente y a yama danki tambe na tur esnan cu a participa na e programa exitoso di Forsa Femenino Grace di Partido MEP.

Señora Esmeralda Tromp y Señora Jenny Croes a duna discursonan motivacional y a impacta esnan presente cu e informacion cu nan a trece dilanti. Minister di Finanzas y Cultura Señora mr. Xiomara Maduro a elabora riba con su persona ta plania su dia como mama y Minister. Lider di MEP y Prome Minister di nos pais a hiba palabra tambe y a enfatisa riba e rol di hende muhe den hogar, comunidad y como lider di nos pais.

Cantantenan Eltienne Yarzagaray y Quincy Hasham a deleita esnan presente cu nan bunita presentacion y canticanan dedica na hende muhe. Maestro di Ceremonia pa e anochi tawata ta Ruthlene Flemming kende a haci un bon trabou pa e programa cana segun schedule.

Na final, a presenta e miembronan nobo di Forsa Femenino Grace como lo siguiente.
Fabiola Maduro: Presidente. Shannon

Henriquez: Vice
Presidente. Secretaria:
Nancy Jager. Tesorero:
Tina Geerman-Quandus y
Darlaine Guedez Erasmus
representando Forsa
Femenino Grace den

partijraad.
Forsa Femenino Grace
ta gradici tur cu a haci
e anochi aki uno hopi
special, bunita y exitoso.



Minister Geoffrey Wever

Convenio cu Camara de Comercio Colombiana Holandesa “Holland House” na Colombia

Minister Geoffrey Wever a cera un convenio cu Holland House na Colombia. Holland House ta un e di e Camaranan di Comercio Bilateral mas grandi na Colombia, cu hopi experiencia den asisti companianan Hulandes ora nan kier haci negoshi cu companianan Colombiano.

E convenio cu Holland House ta haci posibel cu tambe companianan di Aruba por haya e ayudo y cooperacion necesario pa haci negoshi cu companianan na Colombia. Esaki lo resulta den un contribucion positivo pa e economia di Aruba, expandiendo e netwerk comercial.

Aruba su economia ta uno chikito y ta depende riba importacion di mayoria di productonan. Cu un posicion strategico den Caribe entre Merca y America Latino ta esencial pa explora oportunidadnan comercial cutana beneficio di nos comerciantenan y consumidornan. P’esey ta sumamente importante pa intensiva e relacionan economico cu paisnan den region. E relacion cu Colombia tin cu Aruba ta uno esencial mirando e cercania y e



potencial pa haci diferente tipo di negoshi.
“Un convenio y e cooperacion cu Holland House Colombia ta un

instrumento esencial pa facilita negoshi y inversionnan entre Aruba y Colombia y ta forma parti di e maneho economico pa nos companianan crece y nos

consumidornan tin mas acceso na productonan na prijsnan mas bentahoso, y asina reduci e costo di bida aki na Aruba”, segun minister Geoffrey Wever.

**Pa abona na
SOLO DI PUEBLO**

**Yama
585 9500**
of manda nos un
e-mail na
solodipueblo@gmail.com

Entrega tur dia te den
bo port'i cas

OPENBAAR MINISTERIE ARUBA		
Corte di Prome Instancia 10 maart 2023		
Horario	Sospechoso	Acto Castigabel
08.15	C.G.C.H. M.J.H. J.L.I. J.J.T. G.G.M. C.H.H.	Uitspraak.
08.30	J.A.L.H. I.B. V.C. C.F. R.A. H.J. C.G.G. H.J.G.C.	E sospechosonan ta wordo acusa di viola ley di droga riba 22 di juli 2022.
11.30	O.R.M.D. E.A.D.S.	M.D. y D.S. ta wordo acusa di traficacion di hende riba 12 di oktober 2022.

Vacation Rental Professionals Aruba (VRPA) ta Presenta un Guia pa Vacation Rentals mas Responsabel y Sostenibel na Aruba 10 Punto di Recomendacion bon investiga

Aruba (Maart 2023) -- Vacation Rental Professionals Aruba (VRPA) a expresa nan sosten pa mas cumplimiento y regulacion den e industria di vacation rentals pa asina sigura un crecimiento continuo riba e isla. Como cu vacation rentals ta forma un parti significant di e industria turistico y ta un tendencia di biahe global cu ta creciendo rapidamente, VRPA ta kere cu mas regulacion ta necesario pa por maneha e industria na un manera responsabel y sostenibel.

E meta di e guia pa vacation rentals mas responsabel y sostenibel na Aruba ta pa traha huntu cu conseheronan pa wak con por implementa y ehecuta e recomendacionnan.

Un estudio haci recientemente riba e impacto economico di vacation rentals na Aruba a constata cu e industria ta contribui cu casi 1 bion florin na e economia local.

VRPA, representa pa miembronan Sjoerd de Vries, Alex Cybul y Alberto Perret, den colaboracion cu Dennis Goedheid, kende ta revolucionando e manera di inverti y maneha vacation rentals pa casi un decada na Orlando, Florida, a desaroya un lista di 10 recomendacion pa vacation rentals mas responsabel y sostenibel na Aruba. E recomendacionnan ta inclui introduccion di un sistema di licencia pa vacation rentals, aumenta cumplimiento di belasting, enrikece y empodera e forza laboral Arubano, sigura un balans adecua entre vacation rentals y vivienda pagabel y implementacion di un plan di maneho pa zonido, stacionamento y desperdicio.

Pa sigura oportunidadnan igual entre vacation rentals y hotelnan tradicional, VRPA ta sugeri pa sera acuerdonan cu OTA's (manera Airbnb) pa remiti e Tourist Levy y e Environmental Levy directamente di parti di e propietario, y pa esnan cu ta maneha vacation rentals remiti belasting di parti di e propietario pero basa riba nan ganashi.

E sistema di licencia pa vacation rentals cu ta wordo recomenda lo sigura cu un cierto porcentahe di e licencianan duna lo ta pa localnan/residentenan di Aruba. VRPA ta hañe importante pa sigura un cantidad considerabel di licencia pa e comunidad local. Parti di e costo pa un licencia di vacation rentals por wordo usa pa sostene proyectonan cu lo enfoca riba vivienda pagabel.

Pa conserva e esfera di e bario, e vacation

homes semper lo wordo bon manteni, nan lo ta limpi y sigur y e propietario ta dispuesto pa inverti den nan propiedadnan. Un plan di maneho pa zonido, stacionamento y desperdicio tambe mester wordo implementa pa asina sigura e comodidad y seguridad di e huesped y e residentenan permanente.

Finalmente, VRPA ta sugeri pa atrae mas famia, Millennials, y Gen Z, kende ta prefera vacation rentals y lo representa 75% di tur consumidor y biahero pa aña 2025, y cu expectativa di un cresemento anual di 9.87% pa e industria di vacation rentals entre 2021-2025. VRPA ta kere cu manteniendo e ganashinan den e comunidad local Arubano, e plaka lo keda Aruba y lo beneficia e economia di e isla.

E lista completo di recomendacionnan:

1. Introduccion di un sistema di licencia pa vacation rental
2. Aumenta cumplimiento di belasting
3. Enrikece y empodera e forza laboral Arubano
4. Sigura un balans adecua entre vacation rentals y vivienda pagabel
5. Introduccion di un Plan di Maneho di Zonido
6. Introduccion di un Plan di Maneho di Stacionamento
7. Introduccion di un Plan di Maneho di Desperdicio
8. Conserva e esfera di bario
9. Atrae mas famianan, Millennials & GenZ
10. Mantene ganashinan den e comunidad lokal Arubano

TOCANTE VRPA

Vacation Rental Professionals Aruba (VRPA) a keda estableci como un asociacion na aña 2021, pa un grupo di propietario profesional di vacation rentals, pa defende y representa e mihor interes di e propietario di vacation rentals na Aruba, na un manera profesional y diligente.

Den e ultimo añanan, e industria di vacation rentals na Aruba a crece grandemente y a bira un pilar importante den e industria di hospedahe na Aruba. A bira un necesidad pa tin un plataforma profesional pa defende y representa e propietario profesional di vacation rentals y yuda forma e futuro di e industria di vacation rentals na Aruba. Nos vision ta pa bira e vos colectivo y defende e industria di vacation rentals na Aruba, pa asina eleva e profesionalismo di e industria y pa Aruba bira e prome opcion den Caribe pa biaheronan dor di sigura un experiencia



superior pa huespednan y propietario satisfecho.

Nos mision ta pa empodera mehoracion di e industria y stablece un standard dor di brinda educacion riba e miho practicanan, brinda oportunidadnan pa combersacion entre miembronan, propietario, huesped, gobierno, parternan strategico y otro stakeholders y pa promove oportunidadnan igual cu regulacionan solido pa asina Aruba jega su potencial maximo como un destinacion di vacation rentals cu lo beneficia e comunidad.

Premier Evelyn Wever - Croes: COMO HENDE MUHE NOS MESTER CARGA E RESPONSABILIDAD PA SIGUI CREA OPORTUNIDAD PA HENDE MUHE DEN FUTURO



Riba Dia Internacional di Hende Muhe, Prome Minister Evelyn Wever - Croes a atende un conferencia organisa pa Lindy Croes y Julisa Hoevertsz, "Ladies Leading Conference: Embrace Equity".

E sala tabata yena cu hopi entusiasmo di parti esnan presente y a comparti

hopi informacion positivo. Prome Minister Wever - Croes ta gradici e dos damanan dinamico cu a organisa e conferencia aki. Semper e ta bon pa hende muhe inspira nos mes y regarda e energia pa por sigui cu trabounan.

Finalisando Prome Minister a bisa: 'Aruba tin hende muhenan fuerte,

lanta door di generacion di hende muhenan fuerte cu a traha duro pa hende muhe ta unda nos ta awe. Awo nos mester carga e responsabilidad aki pa sigui crea oportunidadnan pa hende muhenan den futuro tambe por sigui logra cosnan grandi pa Aruba. Pabien na organisadornan cu e exitoso conferencia aki!'

Minister Geoffrey Wever:

Sector priva ta cumpli cu e loonsubsidieregeling

Durante pandemia Gobierno di Aruba a introduci e Loonsubsidieregeling pa duna apoyo financiero na dunadornan di trabao pa por sigui paga un parti di e salarionan di nan empleadonan y asina yuda mantene mas hopi posibel e cuponan di trabao. Esaki tawata importante pa suavisa e caida drastico di nos economia y mantene e consumo di trahadornan y benta di companianan.

Dunadornan di trabao a ricibi e subsidio salarial den forma di un voorschot den e periodo di 1 mei 2020 pa 31 oktober 2021. E pago di e voorschot a wordo hasi door di SVb a base di e perdida di benta di por lo menos 25% indica door di e mesun companianan. Un total di 423 miyon florin a wordo otorga na subsidio salarial pa cubri te un maximo di 60% di e salario di e empleado.

Na 2021 a determina oficialmente e perdida di benta a base di aangifte

di BBO entrega. SVb a determina a base di e informacion oficial aki e suma definitivo di loonsubsidie. A conclui cu a otorga 145,5 miyon florin di mas na dunadornan di trabao mientras dunadornan di trabao a ricibi 18,2 miyon florin di menos. Pa tur luna cu a ricibi loonsubsidie, dunadornan di trabao a ricibi un “toekenningsbesluit”. Si dunadornan di trabao no tawata di acuerdo cu esaki, por a entrega bezwaar y eventualmente bai den beroep.

Banda di otorga e loonsubsidie, SVb ta e instancia responsabel pa recobra e suma otorga di mas na loonsubsidie. Na final di 2021 dunadornan di trabao na ken a wordo otorga loonsubsidie di mas, a ricibi un carta cu informacion di e loonsubsidieregeling y tambe di e “invorderingsproces”, e proceso pa debilbe bek e suma ricibi di mas. Tambe dunadornan di

trabao a wordo pidi pa debilbe bek e suma ricibi di mas of cera un areglo di pago. Na maart 2022 un recordatorio di pago a wordo manda sigui pa un aanmaning. Desde april 2022 e proceso di recobra e suma ricibi di mas na loonsubsidie a cuminsa.

Recientemente ministerio di Asuntonan Economico, Comunicacion y Desaroyo Sostenibel a ricibi di SVb e relato di loonsubsidieregeling 2022.

Den 2021/2022 un suma di 13 miyon florin na bezwaar a wordo declara hustifica y Corte a duna dunadornan di trabao razon den otorgamento di loonsubsidie na un balor di 6,5 miyon florin. Den proceso di tratamiento tin un cantidad di bezwaar cu un balor di 29,1 miyon florin y Corte tin cu duna su veredicto ainda riba otorgamento di loonsubsidie cu un balor di 700 mil florin. Na final tin un suma di 96,2 miyon florin paga di mas



na loonsubsidie pendiente cu por wordo existi di inmediato door di SVb. Di e suma aki, SVb a ricibi 39,6 miyon florin. Pa loke ta trata e suma di 18, 2 miyon

florin cu dunadornan di trabao a ricibi di menos, SVb a paga 13,2 miyon florin na dunadornan di trabao.

E relato di loonsubsidie 2022 ta demostra cu sector priva ta cumpli pa debilbe e suma ricibi di mas pero tambe a hasi uso di nan derecho den caso a ricibi di menos. Esaki ta muestra cu e ehecucion di e loonsubsidieregeling tawata un instrumento esencial durante pandemia pa combati e impacto negativo riba nos economia di Aruba segun minister Geoffrey Wever.

SKOA ta informa tocante areglo di pago pa contribucion di “schoolgeld y aircogeld”

SKOA a cuminsa cu aplicacion general di muchanan pa e proximo aña escolar pa tur nivel di scol.

E ta importante pa tur mayor ta bon informa cu pa e aña escolar nobo di 2023-2024 tin cambianan den e suma di contribucion di “schoolgeld y airco geld” pa e scolnan di SKOA. Tarifa di contribucion di mayor pa e aña escolar binidero ta lo siguiente pa cada nivel di scol:

- Pa kleuterschool schoolgeld ta Awg. 250,- y aircogeld ta Awg.150,-

- Pa basisschool schoolgeld ta Awg. 275,- y aircogeld ta Awg.150,-
- Pa mavoschool schoolgeld ta Awg. 350,- y aircogeld ta Awg.150,-

Pa por aplica pa aña escolar 2023-2024 mester cumpli cu rekisito di SKOA cu ta rekeri e contribucion di “schoolgeld y airco geld” ta completamente paga di aña escolar anterior di 2022-2023. Mayornan por haci peticion pa un areglo di pago entrante 1 di April 2023.

Mayornan cu no (re)inscribi nan yiunan na tempo of cu no ta cumpli cu e rekisitonan

di SKOA por tin consecuencia caminda e aplicacion por wordo cancela. Esaki por resulta cu e mucha no ta bay tin su luga sigura na un scol pa e proximo aña escolar. Pa preveni esaki SKOA ta conseha pa mayornan haci aplicacion na tempo pa asina sigura nan luga na un scol y cumpli cu su derecho na enseñanza.

Pa mas informacion tocante aplicacion y contribucion di mayor por bishita nos website www.skoa.aw of por yama na liña directo +297 523 1800 durante orario di oficina



Riba Dia Internacional di Hende Muhe

MINISTER XIOMARA MADURO TABATA PRESENTE NA E PROME ANIVERSARIO Y APERTURA OFICIAL DI BOLD PROPERTIES



extra special pa e dos damanan Aileen Kelly y Jenniffer Figaroa. Ambos, ambicioso y yena cu creatividad a lansa oficialmente Bold Properties riba e fecha aki.

Bold Properties ta un compania di real estate aki na Aruba cu ta consisti di un team completo di hende muhenan cu ta sostiene y empodera otro cual ta haci e compania aki uno excepcional na unda cu e poder femenino ta domina.



"Tabata un placer pa t'ey presente na e prome aniversario y apertura oficial di Bold Properties. E dos damanan, Aileen Kelly y Jenniffer Figaroa hunto cu nan team di hende muhe ta realisa nan soño di ta un compania di hende muhe Arubiano den e mundo di 'real esate' na Aruba."

Minister Xiomara Maduro ta desea e team completo

Dia Internacional di Hen- de Muhe tabata un fecha



hopi exito y ta gradicinan pa kere den Aruba y sigur den nan mesun potencial. "Be BOLD ladies!" tabata palabra final di e mandatario.

Polis a bay controla auto sospechoso laga den Laurens Costersstraat



Diaranson anochi a drenta informe di un auto sospechoso laga atras na Lau-

rens Costersstraat, mensura a dirigi un patrulla na e sitio. Na yegada di e pa-

truya a haya e vehiculo full na lock y a controla e number y esaki

no ta pertenece eybanda. Bisiñanan tampoco sa di ken e ta. Como cu no tin

nada particular cu e auto polis a lage keda para eynan.

Polis a controla autonan na Santa Cruz varios boet a cay y hasta a confisca auto



Diaranson atardi polisnan a ubica nan mes banda di e pompstation na Santa Cruz y a controla autonan

nan number y nan belasting varios boet a cay, hasta a confisca auto!

Parlamentario drs. Mervin Wyatt-Ras:

Nos como hende muher tambe por lidera digitalisacion y tecnologia inovativo

En coneccion cu dia internacional di hende muher Parlamentario drs. Mervin Wyatt-Ras ta felicita tur ser femenino ariba e dia aki y a trece su pensamentonan padilanti. Segun e parlamentario aunke ta celebra e fecha aki desde anja 1911 ta necesario pa refleha y sigui tuma pasonan pa trece mas equidad di genero.

Te ainda mundialmente y na Aruba hende muher ta biba den circunstancianan menos favorable y cu menos entrada financiero. Hende muher te ainda ta ser discrimina, abusa, trafica y maltrata, sin cu e por pone un paro na esaki. E aumento di casonan di abuso y maltrato ta papia pa nan mes. Tin hasta otro formanan cu ta ser investiga cu ta grooming y sexting. Tur dia malhechornan ta inventa otro formanan di abuso y maltrato y den mayoria caso e victima ta e ser femenino.

Apesar di e look deprimente aki tin diferente logronan den curso di anjanan.

Den anjanan setenta a cambia ley pa haci posible cu hende muhernan cu casa por keda traha den gobierno. Na anja 2003 a introduci e ley di stalking

y e cambio di Codigo Penal pa hisa castigo y pone boet pa abusadornan di mucha/hende muhernan. A bin proteccion di hende muher pa loke ta trata abuso sexual den matrimonio y pa esnan cu ta haci trabou di prostitucion. Pornografia infantil a ser introduci den ley y a surgi proteccion pa esnan special of cu tin un handicap. Na anja 2008 a cambia e Codigo Civil y e ley di SVB pa amplia e Verlof di Embarazo y Parto pa 12 siman, dunando e hende muher mas tempo cu su baby prome y despues di parto, haciendo posibel alabes cu e mama trahado despues di parto por cria su baby cu lechi materno of por kolf lechi na pia di trabao. A introduci Vaderschapsverlof di 2 dia. Tambe a haci posibel pa e ser femenino por a haya mas pago ora di malesa. Wyatt-Ras como iniciador di diferente di e leynan menciona ta remarca cu no tabata facil tampoco pa convence otronan pa sali na defensa di e ser femenino. P.e. e ley di zwangerschapsverlof a tuma 7 anja pa por haya e actornan, dunadornan di trabou y hasta coleganan politico riba mesun linja pa sostene e cambio di ley. Despues entre 2011-2014



a cambia leynan laboral cu ta beneficia tambe e ser femenino. A bira alabes posibel proteccion di hende muher contra acoso sexual. Tambe grooming a ser agrega y hasta a lanta un Buro Vrouwenzaken, actualmente yama CEDEHM, dedica na empoderamento di e hende muher. Sinembargo ainda falta mas logro. Aunke tin mas mucha muher ta caba skol cu mucha homber tog hende muher ta ubica den e profesionan menos paga y e hende muher ta ser paga menos pa haci e mesun trabou cu e hende homber.

En bista cu e anja aki Nacionnan Uni a skohe como tema di enfoque "DigitalALL: inovacion y tecnologia pa igualdad di genero, ta necesario adresa lo siguiente.

Pa cu e tema ak tin cu senjala cu nos pais ta avansando mas y mas riba e tereno digital y por nota cu hende muhernan ta mas y mas den posicionnan clave y tambe pues den posicionnan unda ta rekeri liderazgo den tecnologia. Wyatt-

Ras ta menciona su mes como ehempel kende como presidente di Parlamento (2005-2009) tabatin e oportunidad pa lidera un era nobo den Parlamento cual ta digitalisacion di Parlamento. Kiermeen cu nos como hende muher tambe por lidera digitalisacion. Desde e fecha aki tur documento cu drenta parlamento ta ser digitalisa y registra den e sistema di Decos. Foi experiencia Wyatt-Ras por bisa cu e proceso di bai digital no ta uno facil. E ta rekeri un mindset diferente. Ta necesario pa prepara nos hobennan femenino pa cu e desaroyo aki y equipa pa nan cu habilidadnan y equiponan necesario. Tin cu tene cuenta alabes cu aspectonan social y crea balansa entre actividadnan digital, movecion sano y actividadnan social. No mag ta asina cu tin mucha ta keda atras. Nos muchanan desde chikito ta ser confronta cu internet y por maneha un iPhone of un celular. Sinembargo no tur mayor por permitinan mes di cumpra un computer, laptop of iPad pa nan yiu. Aki ta neces-

rio sosten na mayornan. Tin speranza pa e ser femenino y mas equidad di genero en bista cu mas mucha muher ta cabando skol y ta sigui studia. Ademá tin mas mucha muher cu ta skohe careranan como IT, ingeniero, tecnico, etc. Banda di stimula escohencia riba e tereno aki ta necesario tambe pa traha na prevencion. Tin mas y mas casonan di bullying, violencia (sexual) via internet y manera ta e caso actualmente tin casonan di sexting. A bira mas facil pa predetornan drenta e mundo di hende muhernan y mucha muhernan pa medio digital. Nan ta manda mensahe pa despues inicia actonan (sexual) via telefoon of internet pa despues exorsiona nan victima. Esakinan ta retonan pa e siguiente generacion cu ta haci educacion di nos futuro generacion mas complica ainda. Ta necesario pa tur mucha muher haya oportunidad igual pa conoce medionan digital pa sin distincion di nan situacion economico nan lo por tin acceso na medionan digital y cu proteccion debido pa di e forma aki nan por participa na nos futuro digital y tecnologico inovativo.



**PUEBLO A HAÑA SU
PEN BEK**

Pa kualkier informacion
solodipueblo@gmail.com
of
☎ 585-9500

Comite Olímpico Arubano a keda estableci na 1985 ora cu Aruba a separa di Antiyas Hulandes



Prome cu esey, Aruba tabata representa pa Comite Olimpico Antiyano, NAOC. Su siguiente aña na 1986, Aruba a ricibi e reconocimiento di Comite Olimpico Internacional(COI). E mision di COA ta pa desaroya, promove y proteha e movimiento Olimpico na Aruba segun e ideal y balornan mescos tambe e filosofia cual ta hancra den e Carta Olimpico. Encambio COA su vision ta pa medio di excelencia den deporte y cu e balornan Olimpico como guia fundamental, reforza e posicion di Comite Olimpico Arubano como lider den deporte. Cu e miembresia

oficial Comite Olimpico Arubano ta sigura nan participacion di e atletanan Arubano na e Weganan Olimpico. Aruba prome biaha a competi na e Weganan Olimpico di Seoul na 1988 y di eyan a participa cada 4 aña na tur e Weganan Olimpico cu a sigui. Desde 1988 Comite Olimpico Arubano a participa na 8 weganan Olimpico. E weganan di Seoul tabata e prome desde Status Aparte te cu e ultimo Olimpiada di Tokyo 2020(a tuma lugar 2021 debi na pandemia). Ta cu e Weganan Olimpico di Tokyo a participa un total di 49 atleta

di Aruba na e eventonan deportivo.

Aruba nunca no a participa na e Weganan Olim-

pico di Invierno. Tampoco nunca Aruba a logra conquista un medaya Olimpico. Ta bon pa menciona cu Comite Olimpico Arubano ta afilia na varios organizacion deportivo internacional manera ACNO/ANOC(Association of National Olympic Committee), PANAM Sports, ODESUR(Organizacion Deportiva Suramericano), ODECABE(Organizacion Deportiva Centroamericano y Caribe) y CANOC(Caribbean Association of National Olympic Committee). Histora di e desaroyo Olimpico Arubano Na 1952 shete futbolista di Aruba a wordo selecta pa forma parti di e seleccion Antiano di futbol pa participa na e Weganan Olimpico di Helsinki, Finlandia. Despues a dura te cu e 1976 na Montreal, Canada cu un atleta di Aruba, Willem Maduro a ser selecciona den e ramo di judo pa participa na e Weganan Olimpico. Despues na 1984, a selecciona 3

Continua Pag. 21

Clasificados










SOLODIPUEBLO@GMAIL.COM

CEL. 585 9500



Comite Olímpico Arubano



Continuacion Pag. 20

atleta esta Esther Croes y Nicole Hoevertsz den e ramo di artistic swimming y Evelyn Farrell den e ramo di atletismo riba e disciplinan di 100m y 200m. E tres atletanan aki tambe a participa bou di Antiyas Hulandes. Na 1988 na e Weganan Olimpico di Seoul, Sur Korea varios atleta di Aruba a keda a selecciona a participa bou di auspicio di Comite Olimpico Arubano y asina nos a keda participa te cu awor.

Actualmente Comite Olimpico su directiva ta consisti di mayoria hende muher y cu un presidente fememino, e prome den historia di COA den sra. Wanda Broeksema. Lo demas miembronan ta sra. Nicole Hoevertsz, secretaria general di COA, miembro di e comite ehecutivo di Panam Sports y Vice presidente di Comite Olimpico Internacional. E otro miembronan ta Juelle Thode, Zulema Dabian-Erasmus, Perlshka Lockhart-Orman y Monica Pimentel, ex atleta Olimpico y presidente Comision di Atleta.



18 di maart 1948 – 18 di maart 2023

75 aña pasa Shon A Eman ta haci entrega di e mocion historico di 18 di maart

"De Conferentie Nederland-Suriname-Curaçao: kennis genomen hebbende van de wens, door de ter conferentie aanwezige afgevaardigde van de bevolking van Aruba naar voren gebracht, om aan dat eiland bij de instelling van een nieuwe rechtsorde voor het Koninkrijk een afzonderlijke status te verlenen, teneinde op staatkundig, economisch en cultureel gebied aan de bevolking van het eiland bevrediging te schenken"....

ORANJESTAD - E fecha 18 di maart ta core manera un liña cora den historia di Aruba. Nos ta recorda cu 75 aña pasa un lider determina a yega Hulanda, den su poder un documento cu 2147 number di firmante, cu un mocion bon prepara cu a entrega y a wordo acepta na Mesa Rondo, Den Haag.

18 di maart a wordo scohi pa introduci nos simbolonan nacional: nos bandera y nos himno. Celebracion di Aruba su dia nacional, su Status Aparte ta wordo celebra riba e fecha 18 di maart. Esaki tin su motibo, e tin su historia palpante su tras. Un historia cu tey pa generacionnan cu bin. 18 di maart no ta un fecha cu a wordo scohi sin mas. E aña aki, Aruba ta celebra e hubileo di Platinum ya cu ta 75 aña pasa e mocion conoci como mocion 18 di maart cu e de-

seo ferviente di e pueblo di Aruba ta 'baas den su mes cas' a wordo entrega na Mesa Rondo na Den Haag dor di Shon A Eman. Na 1986 e anhelo di e pueblo a keda cumpli, esaki despues di un lucha largo y tenaz cu a cuminsa na inicio di siglo 20.

18 di maart 1948

Entre 28 di september 1947 y 11 di januari 1948, e lidernan politico Henny Eman sr., su yiu Albert 'Shon A' Eman y Aristides Wever, compaña pa Juan Chabaya 'Padu' Lampe, a organisa no menos cu 42 encuentro rond Aruba. Esaki den un tempo cu no tabatin e infraestructura cu tin awe. No tabatin medionan social, coriente no tabata algo comun y un biahe pa Hulanda tabata manera un biahe rond mundo, y asina mes a logra cosnan grandi pa e sila chikito aki. Lampi di kerosin tabata ilumina e reunionnan aki. Un pueblo determina y consciente tabata asisti pa firma un peticion pa ta 'baas den nan mes cas'. Resultado di e encuentronan aki tabata un peticion cu number y firma di 2147 hombernan Arubiano. E tempo ey hende mohe no tabatin derecho di voto ainda. E 2147 Arubianonan balente aki a duna muestra di e determinacion di un pueblo pa yega na su soberania. E protesta, e anhelo pa ta 'baas den nos mes cas' no tabata algo nobo



den e temponan ey, pero si tabata e prome bes cu Arubianonan a tuma un posicion firme y esaki a duna su frutonan.

E hoben politico y abogado Shon A Eman hunto cu un delegacion a biaha pa Hulanda y durante un conferencia di Mesa Rondo, cu simbolicamente ta marca e igualdad cu tabata kier den Reino, Shon A Eman a haci entrega di e peticion na su Mahestad Reina Wilhelmina.

Algun siman despues, riba un diamars 18 di maart 1948, Shon A a entrega den nomber di Aruba un mocion den cual e ta pidi un 'uitzonderlijke status', e status aparte pa Aruba den Reino. Shon A, kende a keda Den Haag mientras su delegacion a regresa Aru-

ba, durante un discurso ardiente y conmovedor a convence e delegacionnan di Hulanda, Corsou y Surnam durante final di e Conferencia di Mesa Rondo cu Aruba tin e derecho di tin un posicion extraordinario dentro di Reino. E mocion di 18 di maart 1948 y e peticion cu number di e firmanenan a keda acepta y a bira e fundeshi di nos autodeterminacion dentro di Reino Hulandes y a para na cuna di nos Status Aparte. Tur aña Aruba ta celebra e balentia y determinacion di esnan cu a bay nos dilanti. Esaki ta wordo haci na monumento 18 di Maart durante un homenahe na tur esnan cu den e periodo entre september 1947 y maart 1948 a construi e fundeshi aki.



HOTLINE



744-0444

CAPT'E Y MAND'E

TEAM SNOR TA BIN SACA SLA DEN WEGA GRANDI!

Calabas/Kudawecha - Di asabra awo, 11 di maart, cuminsando pa 8'or di anochi, un tabla lo bay bula halto aya n'e conocido y mundialmente famoso Domino Square Garden net n'e grens entre Kudawecha y Calabas.

E 'yuchi' di Team Snor, esta Pariba Legends DT, biaha pasa a haya 'een standje' cerca e trabucunan di Biba Lekker DT, bou guia di captain Trimon.

Despues di a haya 'op hun donder' di 'El Padrino' himself, nada menos cu 'Snor' Perez, e a dicidi cu ta e y su team mes lo tin cu bay saca e sla aki afo pa su alumnonan di Pariba Legends.

Captain Trimon ta djis hala schouder y cu hari den cachete ta bisa "un pa un, tur ta haya"!

Dus shonnan amante di domino estilo candela, prepara boso mes pa un sambombaso di encuentro ora cu e unico matematico den domino, Nelson 'Snor' Perez, baha cu su gang pa trek e cos aki recht contra Biba Lek-



ker! Den ultimo tempo ta parce cu Team Biba Lekker a cuminsa crece bira un monster inparabel cu ta guli un team tras di otro manda abou. Di otro banda, e mente incansa-

bel di Snor tampoco no ta para y un y tur ta ansioso pa wak cu ki 'strategia nobo' Snor lo bin e biaha aki.

E bataya aki lo cuminsa

8'or di anochi, y manera ta di custumber na Domino Square Garden, entrada pa publico en general ta completamente gratis y durante halftime, e pasapalanan ta lora en

abundancia totalmente por nada.

Yega y bin disfruta di otro anochi 'high tension' n'e unico Domino Square Garden na mundo!

AVB a celebra dia Internaciol di Hende Muhe en grandi cu inauguracion di e minivan di Academia Damas y wega amistoso entre damas nan presente



Ayera atardi riba dia International di Hende Muhe, Arubaaanse Voetbal Bond a inaugura e minivan di Academia Damas. Miembronan di Directiva Sra. Mildred Wever y Sra. Rosemin Croes a corta e sinta cora y Sra. Geetanjali Khemlani a bautisa e minivan. Alabes e 18 hungadonan cu a gana e "Premio Excelencia den Deporta" a ricibi giftcard di AWG 500,- pa asina gosa di tremendo trabou cu nan a desplega den CFU Challenge Series na 2021.

Despues di inauguracion tur presenta a wordo invita pa asina pasa riba veld pa algun wega amistoso entre tur damas presente. Diferente team nan a ser forma incluyendo di damas nan di Academy U-14 & Open y damas nan di diferente clubnan manera Bubali, La Fama y Riverplate y asina damas nan a bataya contra otro riba veld, sigur un anochi masha placentero.

Na final di e anochi, a haci e entrega di e premionan na e 4 diferente ganadonan cu tawata ensera dos day pass pa RUI Palace y tambe souvenirs di Arubaaanse Voetbal Bond. AVB ta sumamente contento con e evento a bai y asina a celebra en grandi e dia International di Hende Muhe, gradiciendo tur cu a asisti.

"To all the female soccer players, coaches, referees and supporters out there: you are a powerful force for change and inspiration. Your passion, dedication and hard work have helped to pave the way for future generations of girls to dream big and pursue their goals on and off the field."

"We are proud to stand alongside you in the fight for gender equality in sports and beyond. Let's continue to break down barriers and shatter stereotypes and show the world what women in soccer can do. Keep kicking goals, breaking boundaries and inspiring the next generation of female athletes".



5 Señal cu bo ta comiendo demasiado sucú

World Health Organization (WHO) den su ultimo guia riba consumo di sucú, ta bisa cu e consumo di sucú pa dia no mester pasa cinco porciendo di e calorinan diario di un persona.

Esey ta mas of menos 6 telep of 25 gram di sucú. E organisacion global di salud a anuncia su guia na 2015 y eyden tabata tin hopi controversia riba su practicabilidad.

Algun experto a considera e guia di WHO como estricto; algun ta bisa 10 porciendo di e calorinan diario di un persona, ta un proporcion mas realistico. Action on Sugar, un organisacion dedica na investigacion riba sucú, a haya cu sucú ta wordo haya den un variedad amplio di cuminda manera cos dushi, bolo, buscuchi, juice y refresco y esakinan por ta dañino na salud si come nan den exceso.

Mientras cu cuminda manera fruta y productonan lacteo por ta un bon fuente di vitamina, mineral y fibra;

Cumindanan cu ta contene zero sucú (aditivo) hopi biaha tin hopi poco of ningun beneficio nutricional.

Cu e informacion aki, bo por imagina, con hopi sucú bo ta comiendo y con esaki ta afectando bo.

Aki tin algun señal cu bo ta comiendo demasiado hopi sucú:

1. Aumento di peso

Aumento di peso ta un di e señalnan mas obvio cu bo ta comiendo demasiado hopi sucú. Sucú cu ta transforma den glucos te un fuente mayor di energia pa e curpa.

Sin embargo, si esaki no



wordo uza inmediatamente como energia, e por wordo warda den e curpa sea como vet den e barica, pia of den e higrá, musculonan.

2. Gana di sucú

Mas sucú bo come, mas gana bo ta haya di dje. "Mas gana ta mescos cu come mas sucú - e por bira un ciclo vicioso y adictivo," Brooke Alpert, M.S., R.D. autor di The Sugar Detox: Lose Weight, Feel Great and Look Years Younger, ta conta SELF.

3. Acne

Si, acne riba bo cara, nek y pecho, por ta e resultado di e sucú cu bo ta comiendo. Di auerdo cu Healthline, cumindanan di sucú rapidamente ta aumenta e sucú den sanger y nivelnan di insulina, causando aumento di e secrecion androgeno, produccion di vet y inflamacion, tur cu ta huna un rol den desaroyo di acne.

4. Nivelnan abao di energia

Glucose, manera menciona anteriormente, ta esencial pa produccion



di energia den e curpa; sin embargo, e ta importante pa mantene e nivelnan di sucú den sanger balansa.

Esaki no ta pasa si bo come snacksnan yena cu sucú. Kico ta pasa ora den e caso cu tin peaks y lows. Siguiendo e consumo di sucú, e pancreas ta saca insulina pa yuda transferi glucose pa e celnan, nificando cu bo por experencia un rush di energia.

Una bes cu e energia caba, bo por experencia un dip den energia, mientras cu e curpa ta pidi pa mas sucú

pa cuminsa cu e ciclo di nobo, segun Bazaar.

5. Bo ta haya mas buraco den djente

Ora cu bacteria ta come riba particulanan di cuminda entre e djentenan, ta produci acido, cu ta causa cu e djente por putri.

Di acuerdo cu SELF, e scupi humano ta mantene un balansa saludabel di bacteria riba su mes, pero comiendo sucú, e por impacta e pH y ta destabilisa e ecosistema natural.

Esaki ta duna e bacteria

e chens pa multiplica, cu ta hiba na e deterioro di e djentenan.





Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado : Sorteo 08 Maart 2023 Merdia

CATACHI	LOTTO 5	Joker Letter
Sorteo # 3849	Sorteo #	Proximo Jackpot
4311	0 x Jackpot	500.000,-
4273	0 x Match 4+	
2029	0 x match 4	
MULTI-X	0 x Afl. 12,00	
X2		
BIG 4		
Sorteo # 3849	Sorteo #	Proximo Jackpot
5123	0 x Jackpot	53.000,-
	0 x Match 4	
	0 x Afl 8,00	
1OFF		
Sorteo # 1905	Sorteo #	Mega Ball: Proximo Jackpot
2711	0 x Jackpot	340.000,-
	0 x match 4	
	0 x Afl. 500,00	
	0 x Afl 50,00	
	0 x Afl.15,00	
ZODIAC		
Sorteo # 3849	MEGA	Afl. 440.000,-
6570	MEGA IRUS	
Tauro		
LUCKY 3	KORSOU	
Sorteo # 722	Sorteo #	
298		
MULTI-X		
FP		



Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado : Sorteo 09 Maart 2023 Merdia

CATACHI	LOTTO 5	Joker Letter
Sorteo # 3850	Sorteo #	Proximo Jackpot
0086	0 x Jackpot	525.000,-
5593	0 x Match 4+	
7491	0 x match 4	
MULTI-X	0 x Afl. 12,00	
X2		
BIG 4		
Sorteo # 3850	Sorteo #	Proximo Jackpot
9459	0 x Jackpot	54.000,-
	0 x Match 4	
	0 x Afl 8,00	
1OFF		
Sorteo # 1906	Sorteo #	Mega Ball: Proximo Jackpot
9501	0 x Jackpot	340.000,-
	0 x match 4	
	0 x Afl. 500,00	
	0 x Afl 50,00	
	0 x Afl.15,00	
ZODIAC		
Sorteo # 3850	MEGA	Afl. 440.000,-
4614	MEGA IRUS	
Aquario		
LUCKY 3	KORSOU	
Sorteo # 724	Sorteo #	
702		
MULTI-X		
FP		

LEY CU TA LIMITA UZO DI PRODUCTIONAN DI TABACO

PROTEHANDO SALUD PUBLICO

6 Ta prohibi pa vende of duna productonan di tabaco na personanan bou di 21 aña


SOLO Di Pueblo

HALA ROSEA LIBREMENTE BREATHE FREELY



Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado : Sorteo 08 Maart 2023 Anochi

CATACHI	LOTTO 5	09-21-23-33-34
Sorteo # 7887	Sorteo # 2369	Joker 18 Letter K
2545	0 x Jackpot	Proximo Jackpot
1686	0 x Match 4+	525.000,-
9318	8 x match 4	
MULTI-X	161 x Afl. 12,00	
X2		
BIG 4		
Sorteo # 6931	Sorteo #	Proximo Jackpot
2753	0 x Jackpot	54.000,-
	4 x Match 4	
	136 x Afl 8,00	
1OFF		
Sorteo # 1636	Sorteo #	Mega Ball: Proximo Jackpot
1376	0 x Jackpot	340.000,-
	0 x match 4	
	0 x Afl. 500,00	
	0 x Afl 50,00	
	0 x Afl.15,00	
ZODIAC		
Sorteo # 5690	MEGA	Afl. 440.000,-
3145	MEGA IRUS	
Leo		
LUCKY 3	KORSOU	
Sorteo # 620	Sorteo #	
574		
MULTI-X		
X3		



PRONOSTICO DI TEMPO

PRONOSTICO DI TEMPO
VALIDO TE DIABIerna 10 DI MAART 2023, 18:00 ORA

TEMPO:
AWE NOCHI: PARCIALMENTE NUBLA Y GENERALMENTE SECO
DEN MARDUGA Y MAYAN: PARCIALMENTE NUBLA SIN
AWACERO DI IMPORTANCIA

TEMPERATURA MAXIMO 31 GRADO CELSIUS
TEMPERATURA MINIMO 25 GRADO CELSIUS
INDICE DI CALOR (HEAT INDEX) DEN Y ROND
DI ORANAN DI MERDIA: 32 PA 35 GRADO CELSIUS
UV INDEX: 11

BAHADA DI SOLO : 6:50 PM
SUBIDA DI SOLO : 6:50 AM.

BIENTO: MODERA FOR DI DIRECCION OOST- NOORDOOST;
FORSA 3 TE 4 (12 TE 30 KM/ORA, 7 TE 16 NUDO)
DEN DIA BASTA FUERTE TE POSIBLEMENTE FUERTE DEN RAFAGA:
FORSA 5 TE 6 (31 TE 50 KM/ORA, 17 TE 27 NUDO)

SITUACION GENERAL DI TEMPO PA PROXIMO 24 ORA:
NO SPERA CAMBIONAN SIGNIFICANTE DEN E WEER CU
TINI ACTUALMENTE. HUMEDAD LO AUMENTA UN TIKI
DEN PROXIMO 24 ORA PERO SINEMBARGO, NO TA
SPERA AWACERO DI IMPORTANCIA.

CONDICIONAN MARITIMO/ ESTADO DI LAMA:
NA PARTINAN PROTEJE DI COSTA: LEVE, ROND DI 1 PIA.
NA PARTINAN ZUID: TRANKIL TE MODERA, ENTRE 1 PA 2 PIA.
NA PARTINAN OOST TE NOORDWEST DI COSTA:
GENERALMENTE MODERA, ENTRE 4 PA 5 PIA DEN
LABADERANAN MODERA FOR DI NOORD.

AVISO/ ALERTA:
NINGUN

FENOMENONAN SPECIAL:
NINGUN

POTENCIAL DI AWACERO PA PROXIMO 24 ORA:
MENOS DI 1 MM; LOCALMENTE ESAKI POR TA DIFERENTE.

REGISTRACION DI TEMPERATURA (GRADO CELSIUS) Y
AWACERO (MM) DEN ULTIMO 24 ORA (8'AM PA 8'AM):

AIRPORT : MAX 31 / MIN 25 / 0.0 MM
WESTPUNT: MAX 31 / MIN 25 / 0.0 MM
STA ROSA: MAX 31 / MIN 25 / 0.0 MM

PRONOSTICO DI TEMPO PA PROXIMO 3 DIANAN:
LEVE TE PARCIALMENTE NUBLA CU UN AWACERO PASAJERO.
BIENTO LO TA FOR DI DIRECCIONAN OOST Y MODERA TE
BASTA FUERTE, POSIBLEMENTE FUERTE DEN RAFAGA;
TEMPERATURA (GRADO CELSIUS) MAX / MIN LO TA: 31 / 26

NO DRENTA DEN NINGUN ORGANISACIONNAN SATANICO



No drenta y no bira miembro di nan asambleanan satanico.

No haci huramentonan na satanas. Bijbel ta bisa, Mateo 5: 33 – 37; “Mescos tambe boso a tende cu ta bisa na boso antepasadonan: Lo bo no hura falso, ma lo bo tene bo huramento den Cara di Senjor. Ma AMI ta bisa boso, pa no hura pa ningun motibo, ni pa Cielo, pasobra Cielo ta trono di Dios. No hura ni pa tera, pasobra esaki ta banki di Su pianan, ni pa Herusalem, pasobra esaki ta e ciudad di e gran Rey. Tampoco pa bo cabes, pasobra bo no por haci ningun draachi di bo cabeï preto ni blanco. Laga bo si ta si y bo no ta no. Tur loke bo pone acerca ta bini di satanas.” Esnan den organisacion, nan ta nenga cu Cristo-Hesus ta Senjor y Salbador y nan ta bay na nan mes destino riba nan mes manera. Bijbel ta bisa, Huan 14: 6 ; “Hesus ta contesta: AMI ta caminda, berdad y bida.

Ningun hende no ta yega cerca Tata, sino pa medio di Mi.” Esnan den organisacionnan, nan ta ignora e Bijbel di Dios. Bijbel ta bisa, 2Timotheo 3: 16 y 17; “Tur loke ta para scirbi den Escritura, a keda inspira pa Dios y ta util pa instrui, refuta, coregi y pa educa hende pa husticia, pa un homber di Dios sea perfecto, completamente prepara pa tur bon obra.” Esnan den organisacion, nan ta adora diferente diosnan pagano. Bijbel ta bisa den Exodo 34: 14; “No adora ningun otro dios, pasobra Senjor ta un Dios celoso y E no ta tolera ningun otro dios. P’esey no cera ningun comb-

enio cu e habitantenan di e paise y.” Den e di Prome Mandamento di Dios ta bisa: “Di stima y adora bo Senjor y bo Dios di henter bo curason, di henter bo alma, di henter bo sentir, di henter bo ser y mas cu tur cos den mundo.” Esnan den organisacion, nan ta nenga di menciona e nomber di Hesus den nan asamblea. Bijbel ta bisa den Phillipensenan 2: 10 y 11; “Pa cu den Nomber di Hesus tur rudia lo dobla, di habitantenan Celestial, habitantenan terenal y spiritonan infernal y tur lenga lo profesa na honor di Dios Tata; Hesu-Cristo ta Senjor.”

Na esnan den organisacion cu ta haci pactonan satanico y nan ta wordo marca riba curpa cu e number 666. Den Bijbel ta bisa den Apocalipsis 14: 9 – 11; “E di tres Angel a sclama na boz halto: Kende cu adora e bestia y su imagen y laga pone e marca riba su frente of su man, esun ey lo bebe di e binja di Dios Su rabia, cu ta prepara puro den copa di Su ira y lo e keda tormenta cu candela y zwavel dilanti di Angelnan, Santonan y di E Lamchi. Y huma di nan tormento ta subi bay halto den siglo di siglonan.

Ni di dia, ni anochi nan no tin sosiego na esnan cu ta adora e bestia y su imagen y kende cu ta acepta e marca di su nomber.” Bijbel ta bisa den 1 Corinthionan 10: 21 y 22; “Boso no por bebe for di copa di Senjor y tambe for di copa di demonionan, boso no por participa na mesa di Senjor y tambe na mesa di demonionan. Acaso boso kier provoca Senjor? Bosonan ta mas fuerte cun’E?

Clasificados

AUTOSINMUEBLESARTICULOSNEGOCIOSSERVICIOSEMPLEOS

SOLODIPUEBLO@GMAIL.COM

585 9500

www.SOLODIPUEBLO.com

Brandweer	911
Polis	100
Polis Oranjestad	102
Polis San Nicolas	104
Polis Santa Cruz	105
Polis Shaba	107
Tiplijn	11141
Ambulance San Nicolas	584-5050
Ambulance Sasaki	582-5573
Ambulance Wayaca	582-1234
Horacio Oduber Hospital	527-4000
Centro Medico San Nic.	524-8833
SVB AO Ziekmelding	527-2782
Servicio nan	
Elmar storingdienst	523-7147
Web storingdienst	525-4600
Setar storingdienst	117
Digicel	145
Reina Beatrix INT Airport	524-2424
Serlimar	584-5080
Arugas	585-1198
Guarda nos costa	913
Aurora Funeral Home	588-6699
Royal Funeral Home	586-4444
Ad Patres Funeral Home	584-2299
The Olive trees Funeral Home	582-0000
Fundacion	
Rode Kruis	582-2219
Fada	583-2999
Fundacion Respetami	582-4433
Fundacion Guiami	587-1677
Muhe den dificultad	583-5400
Telefoon pa hubentud	131
Centro Kibrahacha	588-3131
Stichting Bloedbank	587-0002
Mary Joan Fundation	588-9999
Koningin Wilhelmina Fonds	582-0412
Fundacion pa nos mucha nan	583-4247



Obituario



Publica serka nos anuncio di fayecimento di bo ser keri.
Nos tin 2 pakete pa ofrece;

Pakete 1: Anuncio di fayecimento te dia cu e defunto
ser dera
Gradicimento y invitashon pa misa pa 3 dia Afl 250,00

Pakete 2: Anuncio di fayecimento te dia cu e defunto
ser dera
Gradicimento y invitashon pa misa pa 3 dia
Na Canal 22 1x prome cu Noticiero 22 Afl 400,00

**Pa mas informashon por tuma contacto cu oficina na
585-9500 of na 741-4554 puntra pa
Jamila Henriquez**



Oracion di dia

Un comienso di weekend fructifero yena cu gracia
y bendicion di Dios.

.....Un pueblo cu ta duna fruta. (Mateo 21,43)

Rumannan, Hesus a bisa cu nos mester ta luz, salo y fermento pa
otronan. Pa e motibo aki continuamente nos mester evalua nos
mesun bida. No ta suficiente pa lesa un biaha un rosario of pa
haci algun biaha un caminda di cruz of di bay misa algun biaha
den cuaresma. Awor con nos ta tuma e Palabra- y Parabolanan di
Hesus! Tin biaha esaki ta confronta nos y semper tin e peliger cu
nos kier suavisa of hasta di no acepta nan. Hopi biaha e motibo ta
cu nos ta prefera di keda cera den e comfort di nos mesun mundo
chikito rond di nos. E novedad di Evangelio mester wordo biba tur
biaha como un posibilidad di un bida nobo. Asina nos por conver-
ti tur dia di nobo aunke esaki por nifica cu nos mester renuncia na
algun cos

Oracion: Señor Hesus, duna mi e gracia pa tur dia mi por con-
verti na Bo y pa mi por ta luz pa otronan.

Amen.

FORTA LEZA PA FAMIA

Scirbi pa Pastor Marcel Balootje.

CONSECUENCIA DI DESOBEDENCIA

E Palabra di Dios no ta un entertainment, no ta algo pa haci wega of bofon di dje, e ta poder di Dios pa esun cu ta kere, y tambe liberacion pa tur esnan cu ta mara den gara di scuridat.

Mundo completo ta pasando bao di un nubia scur di desobedencia, den tur sentido, tanto den famia, social y spiritual.

Ta parece manera hende a perde cabes y perde caminda di Dios, maldad ta wordo aproba, mientras cu bondad ta wordo rechasa, pero Dios keto bay kier papia cu esun cu kier tende.

Awe nos ta trece pa bo, locual ta consecuencia di desobedencia pa, abo y bo famia por ta na altura.


Desobedencia na Dios ta trece lo siguiente den bo Hogar:

Confusion: (1 Corintionan 14:33) Pasobra Dios no ta un Dios di confusion sino di pas.

Conflicto: (Efesionan 4:31) Laga tur amargura, furia, rabia, griteria, wordo kita for di boso, hunto cu tur malisia.

Causa dolor: (2 Corintionan 13:5) Samina boso mes pa wak si boso ta den e fe. Of boso no ta reconoce di boso mes cu Hesus Cristo ta den boso.

Falta di pordon: (Proverbionan 28:14) Bendiciona ta e hende cu semper tin temor, ma esnan cu ta haci curason duro lo cay den calamidad. Laga nos por-



dona otro mescos cu Dios a pordona nos, pasobra si nos no pordona otro Dios tampoco ta pordona nos.

Depresion: (Proverbionan 12:25) Ansha den curason di hende ta hacie abati, ma un bon palabra ta hacie contento.

Disciplina: (Job 5:17) Bendiciona ta e homber cu Señor ta reprende, pesey no despresa e disciplina di e Todopoderoso. Disciplina semper ta hiba nos na crecimiento, Dios ta disciplina esun cu e ta stima.

Kico ta pasa ora un pais wordo guia, apoya of pusha den inmoralidad y desobedencia na Dios.

Desobedencia ta trece castigo di Dios. (Levitico 26:14 & Jeremias 30:1-24)

Desobedencia ta trece huicio di Dios. (1 Cronicas 21:14+15).

Desobedencia ta lanta rabia y furia di Dios, (Romanos 1:18-32) Salmo 7 : 10-16.)

Desobedencia ta hiba hende fierno. (Proverbionan 11:21) Mateo 13:41+42).

Desobedencia ta stroba bendicion (Deuteronomio 28:15)

Desobedencia ta rebaha hende. (1 Samuel 16:1).

Desobedencia ta trece morto. (Santiago 1:14-15).

Desobedencia ta trece malesa. (2 Cronicanan 21: 14+15).

Desobedencia ta pone Señor sera cielo. (Deuteronomio 11:16+17).

Desobedencia no ta laga hende drenta e tera primiti. (Numbernan 20:8-12).

Porta un hende ta pensa na unda mi ta saca tanto tem-

po pa lesa tanto cos asina, pero laga nos ta serio mihor nos lesa awe y obedece cu nos yora mayan cu Dios kier, pasobra rond mundo nos ta mira con palabra di Dios ta cumpli, pasobra cielo y tera lo pasa, pero e palabra di Dios lo permanece pa semper.

Ta para scirbi den Galatianan 1:9: Manera nos a bisa caba, asina mi ta bolbe bisa awor: Si cualkier hende predica na boso un evangelio contrario, na esun cu boso a ricibi, cu e sea maldiciona.

Ta tempo pa bisa, predica, papia, canta e palabra manera e ta, pasobra si

nos no bisa hende e berdad, hopi lo keda decepciona y hopi lo bay perdi, pasobra esey ta e plan di e enemigo, pa mantene hende den scuridat y desobedencia.

Pero riba tur esaki e palabra di Dios ta siña nos cu hende no tin mester di keda biba den pica, pasobra si nos confesa nos pica Dios ta fiel y husto di pordona nos, nos picanan y libra nos di tur inhusticia. (I Juan 1:9),

Esun cu sconde su pica lo no prospera, ma esun cu confesa y laga nan lo haña misericordia. (Proverbionan 28:13).



**STICHTING
BLOEDBANK
ARUBA**

**BO SANGER
TA SALBA BIDA!**

☎ 587 0002

f StichtingBloedbankAruba

Registra pa bira donante na www.bloedbankaruba.aw

Cu profundo tristesa pero conforme cu boluntad di Dios nos ta anuncia fayecimento di:

Catharina Eugenia Lopez

*04 September 1926 †04 Maart 2023

Na number di su:



Rumannan:

Subrino manera yiu:
Subrinonan:

- Helena Lopez
- Mercelina Tromp Lopez
- Pascualita Lopez
- David Abello Lopez & Yuliet Abello Lopez
- Teofilo “Tito” Tromp y famia
- Luis “Luwi” Enrique y famia
- Roberto “Betto” Carlos Tromp y famia
- Justo Lopez y famia
- Regina Schwengle
- Helena Lopez y famia
- Eugenia Lopez y famia
- Manuel Lopez y famia
- Marva Lopez y famia
- Damasco Lopez y famia
- Iris Lopez y famia
- Zulma Lopez y famia
- Soraida Chirino y famia
- Rubin Lopez y famia
- Salvador Lopez y famia
- Linda Koolman y famia
- Robby Koolman y famia
- Lucia Tromp Wever y famia
- Shon Pe Wever y famia
- Rita Wever y famia
- Rosa Dania Wever y famia
- Elizabeth Wever y famia
- Roy Wever y famia
- Angely Cruz Wever y famia
- Chela Geerman
- Filomeno “Meno” Wever
- Fillomena Wever
- Lucia Wever
- Marvis Ridderstap Wever

Amistadnan stima di cas:

Cu un gradicimento inmenso na Tito Tromp pa cu a yuda na su ultimo momentonan
Kier a invita tur conocir pa e acto di despedida cual lo tuma lugar diabierna 10 di Maart di 9or pa 11or di
mainta na Pray Funeral Home San Nicolaas sigi pa cremacion.

HOROSCOPO TA BINI DI PAGANISMO Y DI SATANAS



Pakiko tin hendenan ta lesa horoscoponan? Paso-bra hendenan incredulo y inconciente kier sa nan deseo, di sa riba nan futuro, suerte, kiko ta bay pasa y destino etc..

Astrologia ta un creencia bieuw, cu hende nan destino por wordo determina pa medio di streanan y planetanan etc.. Horoscopo ta trata di entrepreta destino y a wordo introduci den e culturanan y den hopi matutininan na mundo. Profeta Isaias ta papia cu e Rey di Babilonia, den Bijbel Isaias 47: 13 – 14: “Bo ta cansa bo curpa consultando astrologonan. Wel, laganan presenta awor y bin salba bo, na esnan cu ta describi cielonan y ta observa e streanan y ta predici cada luna loke ta bay sosode. Nan tur lo ta manera yerba seko cu lo kima den candela y ningun di nan lo no salba di e poder di e

candelanan.”


Den e palabra aki, Dios Tata ta condena den fierno tur e astrologonan cu ta predici futuro den horoscoponan y na tur esnan cu ta lesa horoscoponan. Pasobra tur esakinan ta un ofensa den Dios Su ensenjansanan. Den Bijbel ta bisa, cu ta Dios so tin e poder pa crea bo bida y e plan pa revela bo futuro y destino. Den Bijbel ta bisa, pa nos pone nos bista riba Cristo-Hesus y kere den Dios so. Ta Dios so tin e caminda di nos bida. Consulta den horoscoponan, ta un violacion contra Dios Su comunicacion cu Su yiunan. Astrologia ta bini di practicanan supersticion y di misticismo y tambe horoscopo ta bini di raisnan di ocultismo. Den Bijbel Samuel 15 : 23 : “Rebeldia contra Dios, ta mes malo cu mira destino. Terkedad ta mes malo cu adoracion di Di-

osnan falso.” E raisnan di astrologia ta bini di e antiguo paganismo, na unda nan ta adora e planetanan manera diosnan. Astrologia ta un berdad, cu ta bini di origennan di esnan cu ta traha pa e ocultismo satanico. Den Bijbel Efesionan 5 : 11 : “No participa na e actonan inutil di hendenan cu ta biba den scuridad, pero expone nan actonan.”

Mayoria di e astrologonan, nan tambe ta involviden e practicanan di New Age Ocult.

Consulta cu un astrologo riba horoscopo, ta algo cu bo ta ricibi spiritual di e malo. Horoscopo por ser mira algo inofensivo, pero den actualidad e ta un triki di satanas, cu ta pone tur cos den un manera, cu actualmente poco poco e ta kita bo di Dios y di Dios Su ensenjansanan.

Den Bijbel Deuteronomio 18 : 10 – 12 : “Cu no tin meimei di bo cu ta of-



rece su yiu homber of su yiu muher pa sacrificio di candela, cu no tin adivinonan, ningun hende cu ta consulta na e astrosnan, ni bruheria, cu no haya ningun hende cu ta practica medium of cu ta consulta na e spiritonan, cu no haya ningun hende cu ta consulta na e mortonan. Pasobra Dios Yahve ta condena na esnan cu ta

haci e abominacionnan aki y pa medio di esaki, Dios ta expulsa nan for di dj'E.”

Den Bijbel Levitico 20 : 27: “Si un homber of un muher ta un medium of un adivino, nan mester muri. Nan lo wordo piedra y nan sanger lo cay riba nan.”

Un mensahero di Dios.

Pa abona na
SOLO DI PUEBLO
Yama
585 9500

Manda nos un e-mail na
solodipueblo@gmail.com

Entrega tur dia te den bo port'i cas



5		9				4		
7		8	3		4	9		
6		1				7	3	
4	6	2	5					
3	8	5	7	2	1	6	4	9
1	9	7	4		8	2		
2			1					4
		3		4			8	7
	7			5	3			6

	3	8	5	7			9	
	6			1		5		7
	1		3		9		8	
6	9	3		4		7		
2		4			5		6	1
				8			4	9
8			4			9		
3					8	6	7	
5	7		1					4

Sopi di Letranan

U	U	G	U	A	R	D	I	A	J	O	Y	E	R	O	N	U	T	
O	I	G	M	S	I	D	E	P	E	N	D	I	E	N	T	E	T	
C	X	Z	E	O	A	T	S	I	C	I	T	E	T	S	E	Z	K	
I	P	J	A	T	S	I	T	N	E	D	C	N	K	Z	M	K	L	
S	A	Z	F	A	A	V	E	W	R	F	R	A	Y	O	E	N	G	
Ú	T	H	U	L	H	M	M	F	P	O	I	A	C	Q	S	Z	Y	
M	S	V	K	M	O	O	E	S	P	R	A	I	I	O	E	G	G	
L	I	O	R	A	V	R	O	C	M	F	D	F	R	H	R	O	Y	
P	N	R	O	R	K	E	I	T	Á	É	A	E	U	U	O	J	O	
R	O	E	T	I	H	T	P	S	M	N	B	P	J	U	I	X	G	
E	R	L	I	N	D	N	O	U	T	R	I	C	A	G	O	C	E	
S	C	E	R	E	Q	I	E	Q	A	A	R	C	N	R	A	N	O	
I	U	T	C	R	V	P	T	B	L	O	O	G	O	R	V	K	L	
D	T	O	S	O	I	R	E	B	D	C	R	T	T	Y	N	I	O	
E	O	H	E	L	J	A	Z	A	I	A	S	E	B	N	E	F	G	
N	F	D	O	D	R	C	N	N	N	A	R	J	K	S	P	V	O	
T	I	T	A	O	J	E	E	J	P	O	R	E	D	E	N	A	P	
E	O	I	T	G	R	R	E	Z	O	R	E	B	M	O	B	B	S	
W	N	N	R	T	O	R	O	R	E	I	N	E	G	N	I	Z	U	
Q	I	C	N	I	O	B	E	C	M	E	B	C	U	Y	N	T	Z	
P	O	E	T	A	O	C	A	O	I	R	A	T	E	R	C	E	S	

ABOGADO
BARBERO
BOMBERO
CARPINTERO
CARTERO
CIRUJANO
COCINERO
CRIADA
CRONISTA
DENTISTA
DEPENDIENTE
ENTRENADOR
ESCRITOR
ESTETICISTA
FLORISTA
GEOLOGO
GRANJERO
GUARDIA
HOTELERO
INGENIERO
JOYERO
MARINERO
MECÁNICO
MÉDICO
MESERO
MÚSICO
PANEDERO
PASTOR
PILOTO
PINTOR
POETA
PRESIDENTE
SECRETARIO

